

皇

清

經

解

皇

清

經

解

皇清經解卷一百二十

春秋毛氏傳目

卷一

總論

卷二

隱公元年

卷三

隱公元年二年

卷四

隱公三年至五年

卷五

隱公六年至十一年

卷六

桓公元年至四年

卷七

桓公五年至八年

卷八

桓公九年至十八年

卷九

莊公元年至八年

卷十

莊公九年至十六年

卷十一

〔莊公〕十七年至二十五年

卷十二

〔莊公〕二十六年至三十二年

卷十三

〔閔公〕元年二年

卷十四

〔僖公〕元年至十年

卷十五

〔僖公〕十一年至二十年

卷十六

僖公二十一年至二十七年

卷十七

僖公二十八年至三十三年

卷十八

文公元年至六年

卷十九

文公七年至十八年

卷二十

宣公元年至八年

卷二十一

宣公九年至十八年

卷二十二

成公元年至七年

卷二十三

成公八年至十八年

卷二十四

襄公元年至八年

卷二十五

襄公九年至十二年

卷二十六

襄公十三年至十七年

卷二十七

襄公十八年至二十四年

卷二十八

襄公二十五年至三十一年

卷二十九

昭公元年至九年

卷三十

昭公十年至十七年

卷三十一

昭公十八年至二十四年

卷三十二

昭公二十五年至三十二年

卷三十三

定公元年至七年

卷三十四

定公八年至十五年

卷三十五

哀公元年至七年

卷三十六

哀公八年至十四年

皇清經解卷一百二十

學海堂

春秋毛氏傳

蕭山毛檢討

奇齡著

春秋者魯史之名也古凡史官記事必先立年時月日而後書事于其下謂之記年

晉後出書有竹書記年卽此名

故每歲所書四時必

備然而祇名春秋者春可以該夏秋可以該冬也舊謂春以善善秋以惡惡春秋者善善惡惡之書則毛詩春秋匪懈孝經春秋祭祀以時思之中庸春秋修其祖廟未聞有善惡于其間也蓋古來恆稱如是矣若賈逵謂春取陽中秋取陰中則周正春皆是冬秋皆是夏非陰陽中也賀道養謂春貴陽始秋重陰初則期合周正而又曲爲之說究何必然第春秋立名不始夫子在夫子未修前早有是名傳稱韓宣

子來聘觀易象春秋此在昭二年夫子未修以前之文而坊
記謂魯春秋記晉喪曰殺其君之子奚齊及其君卓其文在
僖九年夫子且未嘗生也故公羊道聽塗說亦云有未修時
春秋見莊七年傳而魯史至西狩獲麟後尙有二年共二十
六條皆曰此魯春秋文也故孟子曰詩亡然後春秋作此夫
子春秋也魯之春秋此魯春秋也

或又謂春秋是周時史書不止魯史者孔疏于杜氏序云據
周世法則每國有史記當同名春秋又公羊引閔因敘云孔
子使子夏等十四人求周史記得百二十國寶書以爲春秋
則直以春秋一名爲周史與列國諸史所共有之名不始夫
子并不始魯史也

若先仲氏又云春秋爲六經之一三代以前早有之至三代以後則祇傳夫子一書而前此春秋之書亡焉嘗訊其說謂

古凡稱六藝卽六經也卽易書詩禮樂與春秋也

古皆以六經爲六藝

惟周禮保氏職始以五禮六樂五射五御六書九數爲六藝他皆不然

其以此六藝爲教謂之

六教禮記經解所謂詩教書教禮教樂教易教與春秋教者

此夫子之言也夫子言古王之爲教本如是也其以此六藝

爲學謂之六學班氏藝文志云易學如天當無時不學而詩

書禮樂與春秋共五學則如天之有五行必三年通一藝自

十五入大學後至三十而五學始立故西漢劉歆輯內府古

文春秋名六藝略而漢志謂古之王者左史記言右史記事

事爲春秋言爲尚書帝王靡不同之則明在周魯以前而疏

公羊者亦云春秋者國史所記人君動作之事左史所記爲春秋右史所記爲尚書故晉語司馬侯薦羊舌肸曰肸習于春秋而楚語申叔時論敎太子之法曰當敎之以春秋此正以六學爲六敎在三代以來原有是書與尚書並傳而秦火以後但見此而不見彼遂以夫子之春秋當六經之數而不知前此之爲春秋在春秋晉楚間猶見之也故先仲氏曰古之六經則古之春秋也而其書亡焉今之六經則夫子之春秋也然而樂經亡焉

乃徐仲山日記又曰曩時春秋記事而已夫子之春秋則但志其名而不記其事按周禮內史讀四方之書事謂書四方之事而讀于王前此記事也若外史掌四方之志則志解作

誌又解作誌謂標誌其名而列作題目以告于四方故又曰
外史掌書名達于四方其所爲記卽春秋之傳也所爲志卽
春秋經也是以左傳序云史官掌邦國四方之事則記也緯
書鉤命決曰欲觀我褒貶諸侯之志在春秋

後儒但見何休公羊傳序有吾

志在春秋語遂將志字誤解作言志之志

崇人倫之行在孝經則志也

特志簡而記煩簡則書之于簡謂之簡書簡者簡也以竹爲
之但寫一行字者煩則書之于策謂之策書聘禮所云百名
書于策謂百字以上皆書之雖猶是竹牒木版所爲而單策
爲簡聯簡爲策策者冊也以編合竹簡合兩升爲一冊故襄
二十五年催杼弑齊君南史氏執簡以往此簡也書志者也
文十五年宋司馬華孫來盟公與之宴辭曰臣之先臣督得

罪殤公名在諸侯之策此策也書記者也

然且簡策之例必具三事一讀本國一上之王朝一告之四方邦國諸侯故國語魯臧文仲祀爰居展禽陳國之祀典以折之文仲曰信吾過也季子之言不可不法也使書之以爲三策三策者一讀一上一告也

是以夫子修春秋第修簡書而左丘明作傳則取策書而修之隱七年傳諸侯凡策告謂之禮經十一年傳諸侯不告不書于策明言策簡之例史所最嚴故宣十年崔氏出奔簡書例稱族策書例稱名宣十七年叔肸卒簡書例稱公弟策書例稱公子襄二十六年甯殖逐衛侯簡書例稱出奔策書例稱出君成十三年晉侯伐秦簡書例祇稱伐秦策書例始稱

秦師敗績其簡策書例歷有明據乃注疏乖反謂經是策書傳是簡書則南史執簡甯殖書策皆不通矣此所當考正者誠以春秋記事原有門部而作志者則因門爲題就事立誌謂之籤題不謂之綱領蓋綱領必槩括其事而取其要領以爲文籤題則但誌其門名而必藉按策以見其事不相侔也宋人以綱目擬春秋非是大抵春秋門部見于舊史官記事法式有二十

二門

改元

十二年
元年

卽位

十二年
卽位

生子

桓六年
子同生

立君

隱四年
衛人立晉

朝聘

歸朝

來朝

聘

來聘

盟會

逃盟

盟

來盟

泄盟

不盟

侵伐

侵師

伐

克

人

圍

襲

取

戊

救

帥師

敗績

潰

獲

師還

葉師

戰

次

追

降

敗

敗績

歸俘

獻捷

師還

遷滅

墮

亡

殲

昏覲

送幣

致女

逆女

來媵

婦至

求婦

歸

享唁

享

喪葬

崩

薨

卒

葬

會葬

歸喪

奔喪

祭祀

事

嘗

禘

告

視

望

釋

從祀

獻

萬

大

蒐狩

蒐

狩

大閱

焚

興作

立宮

築臺

築城

作門

觀

丹楹

刻桷

屋壤

毀臺

毀臺

毀臺